

**-UPRAVNI ODBOR-**

Broj: 02-35-1/21

Sarajevo, 29. 10. 2021. godine

Na osnovu člana 129, a u vezi sa članom 158. stav (4) Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21) i članom 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, a u vezi sa Zaključkom Vlade Kantona Sarajevo broj: 02-04-36903-19/21 od 07. 10. 2021. godine, Upravni odbor Univerziteta u Sarajevu je na 51. elektronskoj sjednici, održanoj dana 29. 10. 2021. godine, donio *s l j e d e ć u*

**ODLUKU****I**

Upravni odbor Univerziteta u Sarajevu prihvata kao dodatak Jedinstvenom pravilniku o plaćama i naknadama Univerziteta u Sarajevu *a) Metodologiju izračuna dijela plaće za akademsko osoblje nastavnih baza medicinske grupacije, koji imaju zasnovan radni odnos sa nepunim radnim vremenom sa Univerzitetom i b) Metodologiju izračuna naknade za angažovano akademsko osoblje nastavnih baza medicinske grupacije*, do izmjena i dopuna ovog Pravilnika.

**II**

Metodologije iz tačke I ove odluke se primjenjuju za obračun i isplatu plaća i naknada akademskom osoblju nastavnih baza medicinske grupacije počevši od mjeseca oktobar 2021. godine.

Obavezuje se Pomoćni operativni centar za visoko obrazovanje Univerziteta u Sarajevu da prilikom obračuna i isplate plaća i naknada akademskom osoblju nastavnih baza medicinske grupacije primjeni metodologije iz tačke I ove odluke.

**III**

Obavezuje se Univerzitet u Sarajevu da prema Zaključku Vlade Kantona Sarajevo za narednu sjednicu Upravnog odbora dostavi usaglašeni Jedinstveni pravilnik o plaćama i naknadama Univerziteta u Sarajevu.

**IV**

Ova Odluka stupa na snagu danom donošenja.

**Obrazloženje**

Upravnom odboru Univerziteta u Sarajevu je dostavljen Zaključak Vlade Kantona Sarajevo broj: 02-04-36903-19/21 od 07. 10. 2021. godine, kojim se prihvata odnosno daje saglasnost na Izvještaj Radne grupe za rješavanje pitanja obračuna i isplate plaća i naknada akademskom osoblju nastavnih baza medicinske grupacije Univerziteta u Sarajevu. Istim je na osnovu prijedloga Radne grupe o Metodologiji izračuna dijela plaće za akademsko osoblje nastavnih

baza medicinske grupacije, koji imaju ugovor sa Univerzitetom na nepuno radno vrijeme i Metodologiji izračuna naknade za angažovano akademsko osoblje nastavnih baza medicinske grupacije, utvrđena minimalna i maksimalna vrijednost koeficijenta plaće.

Obzirom da se isplata plaća akademskom osoblju i drugim zaposlenicima na Univerzitetu u Sarajevu vrši u skladu sa Jedinstvenim pravilnikom o plaćama koji uz prethodno pribavljenu saglasnost Vlade usvaja Upravni odbor na prijedlog Senata, Upravni odbor prihvata kao dodatak Jedinstvenom pravilniku o plaćama i naknadama Univerziteta u Sarajevu a) Metodologiju izračuna dijela plaće za akademsko osoblje nastavnih baza medicinske grupacije, koji imaju zasnovan radni odnos sa nepunim radnim vremenom sa Univerzitetom i b) Metodologiju izračuna naknade za angažovano akademsko osoblje nastavnih baza medicinske grupacije, do donošenja izmjena i dopuna ovog Pravilnika.

Imajući u vidu da je za obračun i isplatu plaća i naknada za akademsko osoblje, počevši od mjeseca oktobar 2021. godine, neophodno pripremiti u skladu sa naprijed navedenim metodologijama, Upravnom odboru su do dostavljanja usaglašenog Jedinstvenog pravilnik o plaćama i naknadama Univerziteta u Sarajevu iste upućene na nadležno postupanje.

Oslonom na naznačeno, Upravni odbor Univerziteta u Sarajevu je donio odluku kao u dispozitivu.



Dostaviti:

- Rektor
- Predsjedniku i članovima Upravnog odbora
- Generalnom sekretaru
- Pomoćni operativni centar za visoko obrazovanje UNSA
- Službi za računovodstvo i finansije UNSA
- ① U dokumentaciju Upravnog odbora
- Arhivi

---

**Univerzitet u Sarajevu** – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>

[email: javnost@unsa.ba](mailto:javnost@unsa.ba)

